



UNIVERSITÄTS-  
BIBLIOTHEK  
PADERBORN

# Universitätsbibliothek Paderborn

**Hiob**

**Brenz, Johannes**

**Haganoæ**

**VD16 B 3079**

Cap. I.

**urn:nbn:de:hbz:466:1-36516**

## P R A E F A T I O

qua uiuunt, carne adhuc infecti, insinceriter uiuunt  
ubi uero DOMINI VERBUM docent, ibi plane  
DOMINUM, non homines agnoscas. Porro inter  
eos sanctos, in quibus et misericordia & iudiciū DO  
MINI manifestantur, uel inter præcipuos, Hiob pri  
mus est. Si enim misericordiam respexeris, quis maior  
in donis? quis Deo in tota terra adceptior? Quis Hio  
be cōmendatior? inquit enim DOMINVS: Nō est ei  
similis in terra, simplex & rectus, timensq; DO MI  
NVM. Rursus, si ad iudiciū oculos dirigas, quis abie  
ctior? quis à Deo derelictior? quis damnatior? unde et  
in medio iudicij igne, ut damnati solent, Deū contem  
nit, odit, tantū non blasphemans. Quantūcūq; enim  
sanctus uel iustus fueris, iudiciū Dei non feres. Feres  
quidem ut auferantur, & bona & dona Dei, sed non  
iustinebis, si DOMINVS sese subduxerit, hoc enim  
subducto & irato, nulla creatura fauet, sed omnes te  
fugiunt, id quod ex orationibus Hiob, manifestissima  
me colliquefcit.

## CAP. I.

**V**ir erat in terra Huz, nomine Hiob,  
& erat uir iste integer, & rectus, ti  
mens Dei, & declinans a malo.

Et



Et nati sunt ei septem filii, & tres filiae.  
 Possidebatq; septem millia ouium, &  
 tria millia camelorum, & quingenta pa-  
 ria boum, quingentafq; asinas, ac famu-  
 litium nimis multum, & fuit uir iste ma-  
 ior omnibus filiis orientalibus.

Mosen scriptorem libri Hiob esse, testantur He-  
 braei, & Origenes, quanquam non eadem phrasis, in  
 hoc libro & Pentateuco uidetur, cuius similiter Mo-  
 se author est: ut cunq; de scriptore libri nulla, sed pre-  
 cipua de spiritu eius, cura erit.

Porro digesti sunt singuli uersus in suum ordinem,  
 quemadmodum apud Hebræos habetur. Primū, quod  
 uersuum distinctio, non nihil interdum sententiam ad-  
 iuuat: dein in orationibus Hiobis & amicorū, serē sin-  
 guli uersus, singula gnōmæ et generales sententiæ sint.  
 Postremo quod Hieronymus scribat à uerbis Hiob, in  
 quibus ait: Pereat dies in qua natus sum, & nox in qua  
 dictū est conceptus est homo, usq; ad eum locum, ubi  
 ante finē uoluminis scriptū est: Idcirco ipse me repre-  
 hēdo, & ago pœnitentiā in fauilla & cinere, hexame-  
 tra esse, Dactyloq; Spondeoq; currētia &c. Ceterū  
 si cui hæc nostra interpretatio, non satis faciat, consu-  
 lat D. Lutheri translationem, qui hunc librū optima fi-  
 de, in uernaculā nostræ regionis linguā traduxit, &



ANNOT. IN HIOB

ferè clarius, quàm commentario explicari possit.

ERAT VIR IN TERRA HVZ.

Huz  $\text{חזק}$  filius est Aram, filij sem, filij Noa, què Hieronymus scribit Trachonitidos & Damasci cõditore esse, unde forte eius regionis pars, terra  $\text{חזק}$  uocatur. Græcus pro terra  $\text{חזק}$  ἐν τῇ χόρῃ ἀνοίτῃσθι transtulit.

**Simplex.** SIMPLEX ET RECTVS &c.

Simplex, non intelligas ignarū, stupidū, imprudentem, sed probatū, innocentem, perfectū & integrum: Hoc enim significat Hebræa uox  $\text{פשוט}$  Prou. 10. Qui ambulat simpliciter, ambulat cõfidenter, hoc est, qui innocenter, iuste, pro integra fidei ratione ambulat, confidenter ambulat. Non enim simplicitas imprudens, aut rerum nescia, in Christianis commendatur, sed ea quæ est morum, & uitæ integritas.

NATI SVNT EI SEPTEM FILII &c.

**Opes benig-** Quod Hiob liberos, & multas opes habuisse dicitur, benedictio DOMINI cõmendatur, & opes non esse malas declaratur. Opes enim pietati nihil officiant, modo in pietate possideas, & administres. Fuit & Abraham opū diues, nō pro ratione diuitiū huius mūdi, quorū Deus Mammon est: de qb; comuni pro uerbio dicitur: diues aut iniquus, aut iniqui heres: sed pro ratiōe pietatis, quæ opibus alioq; spm̄is, bene uitatur. Cæterū qd diuitibus præcipiatur, uide 1. Tim. 6.

Timens



## TIMENS DEVM, ET DECLINANS.

Timor, ait Iohannes, non est in charitate: perfecta *Timor Dei*  
*charitas foras mittit timorē.* Quid igitur Hiob à timo-  
 re Dei commendatur? Et alibi: Timor Domini, est ini-  
 tium sapientiæ. Aliud est timere ex infidelitate, aliud  
 timere ex fide. Timet hostis hostem, propterea quòd  
 nihil boni, nihil amici, alter ab altero speret, diffiden-  
 tes de beneuolentia: sic impij Deū timent, nam diffi-  
 dentes de bona eius uoluntate, horrent iudiciū, blas-  
 phemant iudicem. Timet & filius patrem, non quòd  
 diffidat de bona patris uoluntate, sed ne inobedientia  
 patrem ad iram prouocet. Sic pij Deum timent, non  
 quòd male suspicientur de eius misericordia, ait enim  
 Apostolus: Fiduciam habemus in die iudicij, sed ne uo-  
 luntatem patris amaricent. Is autem timor, optimus  
 est præceptor, bene, iuste, ac sapienter operandi: si qui-  
 dem uolueris iram Dei declinare, pro bona eius uolū-  
 tate operaberis. Proinde pius ex fide timet, ne iratū  
 habeat Deū, impius ex infidelitate, ne crucietur, non  
 enim timet impius irā Dei, sed pœnā iræ. Cōtra, pœ-  
 nam fert pius, irā Dei oībus modis effugere satagit.

Porro filii eius conuiuia celebrabant.  
 unusquisq; suo tempore in domo sua, mis-  
 soq; nuncio, uocabant tres sorores suas,  
 ut una ederent & biberent.



ANNOT. IN HIOB

Et factum est, quum in orbem transi-  
issent dies conuiuii, misit Hiob, ut sancti-  
ficaret eos, & quum mane surrexisset, ob-  
tulit holocausta omnium numero, quia  
dicebat Hiob, Ne forte peccarint filii mei  
& benedixerint Deum in cordibus suis,  
Sic faciebat Hiob omni die.

FILII EIVS CELEBRABANT CON-  
VIVIA &c. Altera benedictionis & foelicitatis  
Hiob, pars fuit, quod liberos habuerit concordēs &  
amicos, mutuam mutuis conuiuijs beneuolentiam te-  
stantes: alioqui enim fratrum gratia rara est. Porro  
conuiuia filiorum Hiob, si externam speciem respexe-  
ris, honestissima erant, & ab omnibus commendabi-  
lia. Solus autem Hiob, spiritu Dei plenus conuiuiorum  
impietatem uidet, quæ est iudicij diuini cōtemptus, et  
futuri Dei operis, neglectus: quanquam enim ciuilibus  
amicicia, talibus conuiuijs nutriatur, exprōbrantur ta-  
men à spiritu, propterea quod post plenū promptua-  
rium, abundans penu, repletum uentrem, sequatur  
obliuio Dei, obdormitio diei, & iudicij diuini negle-  
ctus. Huc accerse, si allubescat, testimoniorum è scri-  
ptura syluā, Deuter. 32. Dilatus & incrassatus est  
dilectus meus & recalcitrauit, Esa. 5. Cithara, lyra,  
tympanum, tibia & uinum, in conuiuijs uestris, opus  
autem

Conuiuia con-  
temptum ha-  
bent iudicij di-  
uini.



autem Domini non respicitis, nec opera manuum eius  
consideratis. Et Ezech. 17. Ecce hæc fuit iniquitas So  
domæ, superbia, abundantia & saturitas panis, otium  
&c. Lucæ. 21. Cauete ne forte grauentur corda uestra  
crapula & ebrietate &c.

VT SANCTIFICARET &c.

An holocausta sanctificant? Oblationes holocau-  
storum carnalium nõ sunt uera sanctificatio, sed uere  
sanctificationis signum & umbra, quæ per Christi  
sanguinem nobis contigit. Non enim poterat sanguis  
hircorum aut agnorum, peccata auferre, Heb. 10. San  
ctificant igitur legis sacrificia, nõ quia sacrificia sint,  
sed propter sanguinem Christi quem adumbrant.

Sanguis Chri  
sti sanctificat.

NE FORTE PECCARINT. Sollicitu  
dinem uides patris in liberos, solent enim liberorum  
delicta patribus, quorum curæ commissi sunt, imputa  
ri: nam non solum commendauit deus liberos paren  
tibus, ut corpora nutriant, sed etiam ut moribus eru  
diant: minor cura est nutrire pueros, maxima recte in  
stituere, quod si recte institueris, corporalis educatio  
sua sponte sequetur, Psalm. 35. Non uidi iustum dere  
lictum, nec semen eius quærens panem. Porro, quan  
tquam sanctificari Hiob mane liberos suos, non tamen  
ad iudicio potuit eos liberare, parum enim profuerit  
aliena pro te sollicitudo, nisi tu ipse resipiscas & di  
gnam factis pœnitentiam agas, Ezech. 14. Si bestias re debes,

Quædoq; pa  
tribus filiorum  
delicta impu  
tari.

Vt oratio alie  
na tibi profit,  
ipse resipisce.



ANNOT. IN HIÖB

peſſimas induxero ſuper terram, ut uafent eam, tres uiri iſti Noha, Daniel & Hiob, ſi fuerint in ea, uiuo ego dicit Dominus, quia nec filios ſuos, nec filias liberabüt, ſed ipſi ſoli liberabütur: neq; uel parens, pro filio uel filius pro parēte punitur, niſi eiufdē impietatis participes, ut & Moſe inquit, in tertia & quarta generatione, hoc eſt, cōpleta in filijs parentū malitia.

BENEDIXERINT &c. Benedicere pro maledicere hoc loco ſumitur, ut 3. Reg. 21. Benedixit Naboth Deum & regem, id eſt, maledixit, id quod et Latinis in hoc nomine Sacrum, familiare eſt, ut Virgilius, Quid non mortalia pectora cogis Auri ſacra fames? id eſt, execrata.

Factum eſt quodam die, quum ueniſſent filii Dei, ut conſiſterent coram Domino, uenit & Sathan in medio eorum.

Et dixit Dominus ad Sathan, unde ueniſ? Reſpondens Sathan Domino dixit, Circuiui terram & perambulauit eam.

Et dixit Dominus ad Sathā, Nunquid aniaduertiſti ad ſeruū meum Hiob, quod nō ſit ſimilis ei in terra, uir integer & reſtuſ, timens Dei, & declinans a malo?

Reſpondit Sathan Domino, & dixit  
Nunc



CAPITIS I

Nunquid gratis timet Hiob Deum?

Nōne tu uallasti eū & domū suā adeoq;  
uniuersa simul, operi manūū eius bene/  
dixisti, & possessio eius iundat in terrā

Veruntamen, extensa manu, tange  
omnia quæ possidet, si non in faciem tuā  
ambenedixerit te,

Et dixit Dominus ad Sathan, Ecce om  
nia quæ possidet, in manu tua sint, tantū  
modo in ipsum ne extendas manū tuam  
& egressus est Sathan a facie Domini.

CVM VENISSENT FILII DEI

Filios Dei hoc loco, non angelos solum intelligas  
(quanquā & ipsi semper in conspectu sint Dei, mi-  
nistriantes & collaudantes eum, Heb. 1.) sed omnes pi-  
os, qui semper in conspectu Dei sunt, quorum Domi-  
nus perpetuam agit curam, fouens, nutriens, cōser-  
uans, ac ab omni malo eos præseruans. Est autem hic  
locus firmissima fidei petra, quod pij certo cognoscāt  
se continenter ob oculos Domini positos esse, & in  
manu sua custodiri. Calamitas ne opprimet te? an crux  
an peccatum? an mors? an infernus? Confide, quando  
quidē in conspectu Dei fueris, non praeualebunt: Do-  
minus enim curat: Domini conspectus in te directus  
est, à quo ergo timebis? Hinc etiā est, quod quicquid

Pij filij Dei  
sunt.

Quod feceris  
tis uni ex ma-  
nimis meis,  
mibi fecisti.

B §



ANNO T. IN HIOB

mali pio intuleris, Deo intuleris, quicquid boni feceris, Domino feceris.

VENIUNT FILII DEI AD DOMINUM. Quia Dominus curat pios, qui per fidem filij facti sunt, unde & angelos in eorum custodiam mittit, Psal. 90. Angelis suis mandauit de te &c. Psal. 33. Immittetur angelus Domini in circuitu timentium eum, & eripiet eos &c.

**Sathan.** VENIT ET SATHAN &c. Vt enim in regno Christi nunquam deest Antichristus, sic in regno Dei nunquam abest Sathan.

**Colloquiū Sa  
thane & Do  
mini.** SATHAN DIXIT DOMINO &c. Colloquutio Domini cū Sathana, humana phrasi descripta est, neq; est ut imagineris, eos pro hominū more, sermonē cōtulisse, sed spiritus, nostro loquēdi modo, exprimit colloquutiōes spiritualiū, carni incōprehensibiles, ut enim Idioma uel Græcū uel Arabicum alicui ignotū, in linguā cognitam transfertur: ita idioma Dei, & spiritualiū sermo incognitus, transfertur nostri caussa, in uernaculū nobis loquendi modum.

**Sathan.** CIRCVIVI TERRAM &c. Hec est Sathane natura & unicus conatus, ut circumeat uelut leo rugiens, terram, quærens quem deuoret, quem in conspectu Dei accuset, & calumnietur: id quod nomine suo significatur, Hebræis enim **שָׂטָן**, Latinis aduersarius & Græcis ac Germanis **δὲ αὐθιγός**, Germanis



manis Diobel, Latinis calūniator est. Apoc. 12. Proie-  
ctus est accusator fratrum nostrorum, qui accusabat illos  
in conspectu Dei nostri, die ac nocte &c. Zach. 3. Sa-  
than stabat à dextris Iesu sacerdotis magni, ut aduersa-  
retur, ne Hierusalē reedificaretur. Nā quoties p uer-  
biratione iustū, æquū quidpiā conaris, Sathan suo a-  
ctu aut impedit opus: aut si hac uia nō pmouerit, calū-  
niatur opus. Quando regnū Dei in hoc mūdo perinde  
sit, ac aula quæpiā regia, in qua inuenias & aulicos  
honestos, & calūniatores sordidos. Ita in aula Domi-  
ni, Angeli boni, & pij hoīes sunt, oīa amore, & fide  
faciētes. Sunt & calūniatores, Sathan, angeli eius, &  
hoīes ministri, oīa facta in pessimā partē interpretātes.

Malicia Sata-  
nae.

**NUMQUID ADVERTISTI ANIMVM.** Hiob fide cō-  
mendatur à  
Deo.  
Quantus est hic, qui etiā à Deo, testimonium in-  
nocentiæ, pietatis, integritatisq; habet? Vnde hanc  
laudem meretur Hiob? An à patientia? Sed ea nō con-  
stitit in iudicio. An à uitæ puritate? At omnis homo  
est mendax: & Non iustificatur coram Deo omnis  
caro. Quid ergo? sine causa laudatur à Domino? At  
Deus nihil imprudēter agit. Vnica ergo causa quare  
Hiob tantopere laudetur, fides est, qua quis corā Deo  
iustificatur. Nihil enim in conspectu Dei mundū est  
aut purum præter Verbum suum, quod est Iesus Chri-  
stus. Sola autem fides Verbum adripit, Christum ca-  
pit. Proinde ubi Christus inuenitur à Domino, ibi inue-



ANNOT. IN HIOB

nitur iusticia, sanctificatio, redemptio, et sapientia. Si quidē Christus factus est nobis à Deo sanctificatio. 1. Cor. 1. Aduerte itaq; diligenter, sanctos nō cōmendari propter opera, quæ semper impura sunt, ut pannus menstruatæ, sed propter fidē, quæ purissima ex Verbo est: operatur autē impura opera, propter carnis instrumenti sordes. Quemadmodū si luminoso lumini, tenebricosum uitrū obieceris, pellucet quidē lumen, sed obscure, propter uitri obiecti opacitatem: ita fides purissima est, sed impura in carne sunt opera eius, propterea quod caro gentilitio morbo sordidata sit.

Opera bona  
immūda sunt  
propter car-  
nem.

NUMQUID GRATIS TIMET &c.

Calumnia.

Calumnia est, si bona aut media, male interprete- ris: An malum est domum habere opibus plenam? an facinus est ampla possidere? Nonne opes, donum Dei sunt? quæ ab utenti quidem obsunt, sed bene utenti pro- sunt. Proinde diligenter consydera calumniatoris ma- lignitatem, qui reprehendit, ac male interpretatur, id quod ex se nec bonum nec malum est, sed fit uel bo- num uel malū, ex utentis ratione. Calumnia hæc, etiā apud nos frequens est, aiunt enim: facile huic licet Evangelico esse aut Euāgelion profiteri, quod domū habeat opibus plenā, & amplo stipendio uiuat. Absit autē à pijs mentibus calumnia, si enim mala proximi ui- deris, inter te & ipsum solum corrigenda sunt, apud alios autē calanda: si bona, apud alios cōmendanda sunt.



sunt, apud ipsum uero celāda, ne infletur fastu elatus  
 SINON IN FACIEM TVAM BENE-  
 DIXERIT TE &c. Iurandi forma, in scriptura  
 familiaris, ut Psal. 88. Si David mentiar &c.

ECCE OMNIA QVAE POSSIDET. Princi-  
 pio notabis Sathanā, nec capitis capillū posse mouere  
 citra uoluntatem Domini, Matt. 8. Mitte nos in gre-  
 gem porcorū: quod si Sathan nihil iuris in porcos ha-  
 buit, quanto minus in homines? Deim tentari finit Do-  
 minus suos, ut probentur, Sathan uero tentat, ut per-  
 dantur. Eliob enim à Domino tentatur, ut clarior fiat  
 fides eius (quanq̄ interim in iudicio labascet, sed in  
 maiorem sui resurrectionem) tentatur aut̄ à Sathana,  
 si quo modo eū è fide & Verbo eijciat. Sic Abraham  
 tentatus est, Gen. 22. ut probaretur, et Deute. 13. Tētāt  
 uos Dominus Deus, ut palām fiat, utrū diligatis &c.  
 Hinc intelligis, quod Iacob ait: Deus neminē tentat,  
 scilicet ut perdat, sicut Sathan: tentat aut̄, ut proba-  
 tos nos declaret. Postremo quod additur

TANTVM MODO IN IPSVM &c.

Docet tentationes habere suos terminos, nā ut est  
 1. Cor. 10. Fidelis Deus, qui non finit uos tentari &c.  
 Non enim possunt adflictiones, ultra terminū suum  
 progredi. Et ut mare, suis limitibus circūscriptum est,  
 Hiob. 38. ita oēs cruces, quae in Scriptura per mare si-  
 gnificantur, suos habent fines, ultra quos progredi  
 non licet.



ANNOT. IN HIOB

EGRESSVS EST SATHAN

Hoc est, machinatus est in Hiob tentationes, non ut probet, hæc enim diuine tentationis ratio est, sed ut perdat & conculcet.

Et factum est quodam die, quum filii & filia eius biberent uinum in domo fratris eorum primogeniti.

Nūcius uenit ad Hiob, & dixit, Boves

*Ad manus, id arabāt, & asinæ pascebāt ad manus eorum. est, iuxta.*

Et irruit Scheba, & abegit ea, & adole-

*Synecdoche ē scentes percusserūt in ore gladii, & euasit scriptura fa-*

duntaxat ego solus, ut adnunciarem tibi.

*militaris Sche-* Illo adhuc loquēte, uenit alius & dixit, *ba percusserunt. Sicut, turbaruunt.*

ignis Dei decidit de cœlo, & cōbustis ouibus, adolecentes etiā deuorauit, & euasit duntaxat ego solus, ut adnunciarē tibi,

Adnuc illo loquēte, alius uenit, & dixit, Chaldæi instruxerūt tres acies, & iperū fecerūt in camelos, ac rapuerūt eos, & adolecentes pcusserunt in ore gladii, & euasit duntaxat ego solus, ut adnunciarē tibi.

Adhuc illo loquente, uenit alius & dixit, Filiis tuis & filiabus edentibus ac bibentibus uinum in domo fratris eorum primogeniti, Ecce.



Ecce uentus magnus uenit e regione  
deserti, & concussis quatuor angulis do-  
mus, deiecit eam super adolescentes, &  
mortui sunt, euasi autem duntaxat ego  
solus, ut adnunciarem tibi.

## CVM FILII ET FILIAE EIVS BIB.

Liberi Hiob hilare conuiuuntur, iudiciū Dei ne su-  
spicantes quidem: ecce aut in medijs cōuiujs dum lon-  
ge aliud cogitant, uenit subitum domini iudicium: ut  
agnoscas hanc perpetuam Domini cōsuetudinē, quod  
supplicio suo, hominibus nihil dum tale expectanti-  
bus & securissime uiuentibus præsens adsit, Luca. 17  
Sicut accidit in diebus Nohe & Loth, edebant & bi-  
bebant & c. sic erit in aduentu filij hominis. 1. Thes. 5  
Dies Domini, ut fur in nocte (nobis nō expectantibus)  
ita uenturus est, quum enim dixerint, pax & securi-  
tas (id est, cum securissime, citra timorem iudicij dei,  
uixerint) tunc repentinus eis imminet interitus & c.  
Huc pertinet parabola, quæ est Matth. 24. de seruo  
lurcone & percussore, & 25. de uirginibus dormien-  
tibus. Origenes conuiuū filiorum Hiob iustificat, ab-  
undet sane ille suo sensu, quando non impie, sed forte  
huic loco, non usque adeo commode, sentiat.

## IRRUIT SCHEBA.

Scheba filius est Rcima filij Chus, filij Cham, Sabea.



ANNOT. IN HIOB

filij Noha, unde foelix Arabia, Sabea regio dicitur  
aliàs Thurifera.

NVNCIVS VENIT. Verissimum est, quod  
vulgari Apophthegmate effertur, Nulla calamitas se-  
la. Ea enim uerae tentationis natura est, ut nihil spes,  
nihil consolationis, nihil auxiliij in rebus humanis re-  
linquat: quod si semel coeperit in nos grassari, non de-  
sinit, nisi ex oculis nostris omnia humana asyla abstu-  
lerit. Perditis bobus & asinabus, adhuc spes erat in  
ouibus: ablati etiam ouibus, aliquod solatium erat in  
camelis: sed & his abactis, restabat consolationis non  
nihil in liberis superstibus, nec tamē illis quoq; par-  
citur, breuiter, nihil externorū honorū uideas supera-  
re. Porro in hac tentatione & Dominus suum habet  
consiliū, & Sathan suum. Domini consilio, crux pro-  
bat & sanctificat, abripiturq; à pijs, quod ante dona-  
tum erat, ne adsuescant potius in dona, quā in datore  
rem confidere. Abraham filius erat donatus dilectissim-  
mus, & unicus, iubet Dominus, ut immoletur, non  
quia odore immolati hominis gaudeat, sed ut Abraham  
sanctificaretur, & disceret, spem suam, non in donū,  
sed in donatorē collocare. Egrediētibus ex Aegypto  
Israēlitis, aufertur omne humanū auxiliū, periculo ex  
omni parte imminēte: ex altera hostis terribilis erat,  
ex altera horrifonū mare, ex altera montes inaccessi-  
biles. Hæc autē omnia ideo fiunt, ut cruce presti, discamus,  
non

Vera tentatio  
omnia præsi-  
dia eripit ex  
oculis nostris

Tentat domi-  
nus ut probet  
& sanctificet



nō in carnē, nec carnalia dona, nec etiā spiritualia cō-  
 fidere, aut gloriari, sed in solum Dominum, Hierē. 9.  
 Ne gloriatur sapiens in sapientia sua, sed qui gloria-  
 tur in hoc gloriatur nosse me &c. Non est mala sapi-  
 entia, non est mala fortitudo, sed eiusmodi sunt, ut eis  
 sit utendum, non cōfidendum. 1. Corin. 7. Qui emūt  
 tanquā non possideant. Proinde rectissimo Dei cōsili-  
 o, Hiob omnibus suis bonis carnalibus priuatur, ut  
 discat uoluntatē Dei, quæ est, in solum Deum dato-  
 rem, respiciendum esse, non in dona. Satanae autem  
 consilio hæc tentationes fiunt, ut dimoueat, non so-  
 lum à donis, sed etiam à datore: hoc enim astu adgre-  
 ditur pios, ut ereptis donis, eripiat & ipsis Dominū,  
 uel per blasphemias, uel per cōtumelias, uel per im-  
 patientiam, uel id genus scelera.

REMANSI, uel, EVASI SOLVS, &c.

Iudicante Domino, nulla creatura consistit: fluit  
 quicquid est rerum à facie domini, quasi cæra à facie  
 ignis, & quasi fumus à uēto dissipatur. Proinde si re-  
 liquæ superarint, non ipsarum merito fit, sed, uel ut  
 sint misericordiæ Dei exemplar, Rom. 11. uel ut sint,  
 qui adnūciant iudiciū Domini. Sic unicus Hiobis ser-  
 uus, euasi inquit, solus, non meo merito: cur ergo? ut  
 adnūciet tibi iudiciū Domini. Ezech. 12. Relin-  
 quam ex eis uiros paucos, à gladio, fame & peste, ut  
 narrent eorū scelera in gentibus, id est, ut narrent iu-

Utendum do-  
 nis est, non  
 confidendū.

Satan tentat  
 ut perdat.

Nulla res cons-  
 sistit iudicāte  
 Domino.

Quare relin-  
 quit paucos.



ANNOT. IN HIOB.

dicia Domini propter scelera inflictā. Præterea sup-  
stitēs serui, sic affabre factū narrant, ut subinde gra-  
uior fiat tentatio: oportet enim in tentatione oēs vi-  
res cōcuti, ne ulla humanarū rerū spes relinquatur.

Et surrexit Hiob, ac dirupit uestimē-  
tum suū, euulsa coma capitis sui, & quū  
cecidisset super terram, adorauit.

Et dixit, nudus exiui de uētre matris  
meæ, & nudus reuertar illuc, Dñs dedit,  
& dñs abstulit, sit nomē dñi benedictū.

In omnibus istis non peccauit Hiob,  
& non dixit insulsum contra Deum.

DIVERSA LECTIO.

Quòd nostra tralatio habet, stultum, Hebræis est  
quòd significat insulsum, imprudens.

ET SVRREXIT HIOB, ET DIS-  
RVPIT &c. Quid uestimentorum diruptio,

& capillorum euulsio, signa ne sunt patientiæ? in-  
fani citius signa dixeris, quàm patientis. Origenes

*Diruptio ue-* rhetoricatur dicens, Hiob ideo dirupisse uestimenta,  
*stimentorum* ta, & capillos euulsiſſe, ut nihil apud eum remane-  
*carnis est im-* ret ex his, quæ in potestati nequitie Satane, tradita  
*patienter fe-* ta erant. Atqui, uestimentorū diruptio, ueteribus lu-  
*rentis crucē.* ctus, doloris, & repētini horro-  
ris signū fuit, quo te-  
starētur animi turbationē. Sic & Hiob, auditis num-  
cijs, de clade, non tā bonorū quàm liberorū, carne tur-



Batus, uestimēta dirupit, quā tamen turbationē mox  
 spiritu Verbi domuit: solet enī in cruce caro tumula-  
 re, ac insanire, domatur autē Verbo & fide, Ro-  
 s. Si spiritu facta carnis mortificetis, uiuetis. Et alibi,  
 Spiritu ambulate, & desideria carnis nō perficietis.

## NVDVS EGRESSVS SVM.

Fidelis uox, sed & carnis cōquestio est, qd' natura  
 homini tristior nouerca, quā melior parēs fuerit, hūc  
 enim alienis uelat opibus, ceteris animātib; uaria  
 tegumēta tribuit, testas, cortices, coria, spinas, uillos,  
 setas, pilos, plumā, pennas, squamas, uellera. Trun-  
 cos etiā, arboresq; cortice interdū gemino, à frigo-  
 rib; & calore tutata est: hoiem tantū nudū, & in  
 nuda humo, natali die abijcit, ad uagitus statim &  
 ploratū, nullumq; tot animalū aliud, ad lacrymas,  
 & has protinus ut a principio. At, hęc carnis con-  
 questio, morosior est, quā fidelior: nā fides, ut maxi-  
 me nihil rerum externarū, quod nostrū, qd' propriū  
 sit sentiat, & oīa externa bona aliena esse iudicet,  
 uidet tamen summas diuitias, omnēq; plenitudinem,  
 quia Dominū esse SVVM uideat, nudi enim abijci-  
 mar, quōd etiamsi multa possideamus, omnia tamen  
 abneganda sint: ditissimi autē sumus, qd' per fidē in  
 Domino, oīm rerum abundantia, & thesaurū habea-  
 mus. 2. Cor. 6. Nihil habentes, & omnia possiden-  
 tes: An tu nudū dixeris, qui in manū opulentissimi

Hęc Plinij  
 sunt, lib. 7.  
 cap. 2.

Domini ē tē-  
 ra & pleni-  
 tudo eius, q  
 habet Domi-  
 num, omnia  
 habet cū illo.



ANNO. IN HIOB

Pfal 230

1. Corint 200

domini statim, ut per fidem nascitur, irrepit: adde, quod non solum quum renascimur, sed & qui nascimur, propinquissimū dominū habemus. Vnde Psal 21. dicitur, Tu es qui extraxisti me de uentre, spes mea ab uberibus matris meae, in te proiectus sum ex utero: quod si proijcitur ab utero in Dominū, quis nō est conqueſtionis locus, quod nudi nascamur? an magis quā magis curamur, quā adhuc in matris utero existentes? post, in cunis uagientes, curant quidem tunc parentes, at quis alius eam curam subministrat, qui Dominus, qui in parentibus, suam pro nobis sollicitudinem declarat? iam si tanta liberalitate, dominus se effundit, nobis adhuc ignorantibus, quanta magnificentia tractabit eos, qui Verbo suo ipsam agnoscunt. Quod igitur Ethnici conquerantur de nuditate hominis infidelitatis est: quod autē Hiob se nudū ex utero matris egressum testatur, fides est, quae omnia exteriora Domino resignat, satis interim habens, si modo Dominus non auferatur. Celebre est etiam Stilponis dictum, huic loco non incōmodum, nam quum Demetrius, Megarenſium urbē cepisset, Stilponem interrogasse dicitur: ecquid suarum rerum direptum esset? ad quem ille, neminē inquit, mea auferentē uideam: omnia mea mecum porto. Magnifica uox Ethnici si tanta fide, quanta carnis iactantia prolata esset?

Stilpo.

DOMI



**DOMINVS DEDIT.** Confitentium in Deo Confessio est  
 non in dona, confessio. q. d. etiamsi omnia ablata  
 sint, Dominus tamen nondum ablati sunt: non enim  
 cameli, oves, aut liberi, dominus mihi fuerunt, sed ali  
 ena: Domini, non mea, sunt: Dominus sua adcepit, ni  
 hil mearum rerum mihi ablatum est. Quid? Dominus  
 ne abstulit, quod à Satana per Sabæos, per Chaldaeos  
 os crudeles factum est? Fidei naturam expressissime ui  
 des: hæc enim in cruce non respicit uel ipsam crucem,  
 qua potius perdit, uel ministros crucis, qui citius ad  
 indignationem, quam patientiam prouocant, sed Do  
 minum respicit, cruci, bona sua uoluntate, nos adsi  
 gentem. Impius contra, in afflictionibus non respicit  
 Dominum cruci adfigentem, sed uel ipsius crucis gra  
 uitatem, proinde desperat; uel ministros nobis inimi  
 cos: proinde ad maledicta, et animi amaritudinem uer  
 titur. Præterea tentatio quæuis, et à Domino et à  
 Satana fit, ac hoc ut pdat et pdat, ab illo ut pbet, et  
 suam uoluntatem doceat. Itaque fides, ut bona è manu  
 domini adcipit, ita et crucem: qui enim è manu Sata  
 ne crucem suscipit, in sui perditionem suscipit, qui uero  
 è manu domini, in sui probationem.

**SICVT DOMINO PLACUIT, ITA  
 FACTVM EST.** Non est in Hebræo, sed tamē  
 non ociose adiectum, non enim sufficit crucem è sola  
 Domini uoluntate suscipere, nam et impij fatentur,

C 3

Confessio est  
 piorum, sicut Iu  
 deis in primi  
 tibus obseruan  
 dum erat.

Deut. 26

Fides, in cruce  
 sufficit do  
 mini bonam uo  
 luntatem, ce  
 tera fert sapi  
 enter.



Impij crucem  
agnoscunt ut  
iram Dei, pij  
beneuolentia  
Dei sciunt.

crucem a Deo obtrudi, sed suscipienda est e beneplacito, e bona uoluntate Domini. Quod si in cruce non agnoueris, benignam & beneuolentem percutientis manū, nunq̄ candide feres eam. Sed quæ est bona Domini uoluntas in cruce? Hæc est, crucifigit dominus, ut resurgere faciat, percutit ut sanet, occidit ut uiuifcet, tristes reddit, ut letificet. Satan contra, percutit ut perdat, occidit ut in morte detineat.

SIT NOMEN DOMINI BENEDICTVM Hæc uera laus Domini est, quæ in nocte in tribulatione cantatur. Impij tantisper laudat, dum beneficia adcipiant, iuxta illud: Confitebuntur tibi, quando benefeceris ei, abeuntibus beneficijs, abit & laus. Pij autem clamant: Media nocte surgebā ad confuendum tibi (id est, in media tribulatione) ut enim qui in proteruum canem lapidem librans, quum ab illo aberrans nouercam non destinato percussisset, ne hoc quidem inquit modo, male: sic & si contra uoluntatem nostram, aliquid retrorsum quam uolumus, cadat, emēdare, aliorsumq; uertere licet. Israel exulat, & opprimitur in Aegypto, sed ne sic quidem male, quia quanto magis opprimebantur, tanto magis multiplicabatur & crescebant. Dauid expellitur e regno sed ne sic quidem male, quia nota fit eius fidei magnanimitas. Hiob spoliatur omnibus bonis, sed ne sic quidem male, quia hæc crux, laudem Dei excitat: nunc

Pijs, bono aliquo uertitur  
crux.



igitur res male pijs cadit, etiamsi pessime cadit, quia  
semper cruce erudiuntur, ut sibi ipsis manifesti fiunt.

SED IN OMNIBVS HIS NON PEC-

Nondum dominus ablatu est, sed sola domini bo-  
na, mediocri autem molestia tuleris, si omnia auferan-  
tur, modo dominus, bonorum thesaurus, maneat. Se-  
pone et ipsum dominum, sola cruce obiecta, uidebis,  
quid non blasphemiarum in hominis corde surgat.

## CAP. II.

ET factum est quodam die, quum uenif-  
sent filii Dei, ut consisteret coram Do-  
mino, uenit etiam Satan in medio eo-  
rum, ut consisteret coram Domino.

Et dixit dominus ad Satan, unde ue-  
nis, respondens Satan Domino, & dixit,  
circumeo terram, & perambulo eam.

Et dixit Dominus ad Satan, nunquid  
aduertisti animum tuum, ad seruum me-  
um Hiob, quod non sit similis ei in terra  
uir integer & rectus, timens Dei, & decli-  
nans a malo, & adhuc mordicus tenens  
innocentiam suam, tu autem incitasti me,  
ut perdiderim eum sine causa.